

# JEUGRAAD 2016 YOUTH BOARD

**TEMA VIR JEUG-AKSIE 2016**

## AMBASSADEURSKAP

Dink solank baie goed na oor hoe jy die volgende vrae van 'n vreemdeling sal beantwoord:

**WAT is 'n SA BOERPERD?  
HOEKOM ry jy 'n SA BOERPERD?**

**THEME: Youth Action 2016**

## AMBASSADORSHIP

Think carefully how you would answer the following questions to a stranger interested in horses:

**WHAT is a SA BOERPERD?  
WHY do you ride a SA BOERPERD?**

**ERIN ROBINSON**

**YOUTH BOARD: Gauteng**

### **WHAT is a SA BOERPERD?**

The SA Boerperd is a proudly South African breed of horse with a rich heritage, interwoven with that of the country's. Boerperde have phenomenal feet, are good-doers and have great temperaments which makes them ideal first horses, but don't let this fool you they are not in anyway 'farm donkeys.' The SA Boerperd is the ideal pleasure AND competition horse. Children and adults alike have found success on the backs of Boerperde. Boerperde are extremely versatile and can be seen excelling in various equestrian disciplines; often you will see the same horse winning in multiple events.



All SA Boerperde undergo DNA testing and inspection before being deemed "SA Boerperde" and being given the famous "B" brand that classifies them as registered horses; this process insures only the best horses can carry the esteemed title of the SA Boerperd.

So to answer your question; what is a SA Boerperd?

**A SA Boerperd is THE horse for you!**

### **WHY do you ride a SA BOERPERD?**

The SA Boerperd is one of the most versatile and child friendly horse breeds on the market today. Owning a SA Boerperd has given me the opportunity to compete in a wide variety of disciplines without needing a string of competition horses. SA Boerperde are known for their kind, willing natures, for example; my sister's champion horse stands just under 16hh, but he is easily ridden by young children, bareback and sometimes in nothing more than a halter. I ride a SA Boerperd because of their trainability, versatility, athletic abilities and of course their good looks! I will always prefer SA Boerperde above other breeds and would recommend them to anyone!

**FRANCI LOUWRENS**  
**JEUGGRAAD: KZN/Mpumalanga**

**WAT IS N S.A. BOERPERD?**

‘n Boerperd is n trots Suid-Afrikaanse perde ras, wat deur die boere in die Anglo-Boereoorlog geteel is vir stamina en goeie temperament. Boerperde het goeie bouvorm en beweging wat hulle veelsydige skouerde maak en in staat stel om aan verskillende dissiplines deel te neem. ‘n Perd waarop ons almal kan trots wees!



**HOEKOM RY EK ‘N S.A. BOERPERD ?**

As n ruiter is ek op soek na n slim, vinnig leerbare perd, met ‘n goeie temperament . Ek wil ‘n perd hê met goeie beweging en bouvorm sodat ek optimale prestasie kan behaal. Ek soek na ‘n beste vriend en ‘n perd waarop ek kan vertrou . Dit is hoekom ek ‘n SA Boerperd ry: hulle voldoen aan al my vereistes.

Hy is my sportperd, speelperd en beste vriend.

MY BOERPERD !!

**KRISTEN JOUBERT**  
**JEUGGRAAD: Hoofmeisie**

**WAT IS ‘N SA BOERPERD?**

‘n SA Boerperd is ‘n besonderse perd wat volgens my alles kan doen en aan byna alle dissiplines kan deelneem! Die SA Boerperd is ‘n eg Suid Afrikaanse perd met ‘n ryk geskiedenis wat ons land en die mense met trots verteenwoordig. ‘n SA Boerperd is ‘n kwaliteit perd, aangesien die perde gekeur word en daardeur ontvang hul die baie belangrike “B” op hul regterboud. Met ‘n hart van goud en ‘n temperament soos min ander ras is ons SA Boerperde die ideale perd vir jonk en oud.



**HOEKOM RY EK ‘N SA BOERPERD?**

Die perd wat ek graag wil ry moet ‘n sagte temperament hê en oor die vermoë beskik om vinnig nuwe dinge te leer, so hoekom sal ek dan enige ander ras wil ry as die SA Boerperd. Ek ry ‘n SA Boerperd, want daar is geen ander ras waarmee ek aan verskeie dissiplines op een perd kan deelneem nie. My SA Boerperde is nie net my goeie spanmaats wat kan uitstaan in ‘n skouring tussen ander ras nie, maar ook my beste maats wat vir my deur vuur sal stap.

**MIA JOUBERT**  
**JEUGRAAD: Gauteng**

**WAT IS 'n SA BOERPERD?**

SA Boerperd is 'n Suid-Afrikaanse perderas met van die beste persoonlikhede en geaardhede wat mens kry. Vir enige dissipline wat jy wil aanpak van showing tot uithouritte is 'n SA Boerperd die perfekte keuse wat op elke vlak kan presteer. 'n Agtjarige kind alleen op die rug van 'n 3 jarige SA Boerperd beskryf alles.



**HOEKOM RY EK 'n SA BOERPERD?**

Vir die meeste mense is 'n SA Boerperd net nog 'n perd, maar vir my is 'n SA Boerperd, 'n familie lid, 'n vriend en 'n stukkie van die legkaart tot 'n perfekte prentjie. Ek hou van 'n perd met persoonlikheid en 'n houding, maar moet nog steeds vir my luister en niemand in gevaar stel nie, 'n SA Boerperd bied presies dit.

**MARNISE LAMBRECHTS**  
**JEUGRAAD: Gauteng**

**WAT IS 'N SA BOERPERD?**

Vir my is 'n SA Boerperd, die perd wat jy sien in jou drome. Daardie een perd waaraan jy nie kan ophou dink nie en wanneer jy hom/haar sien onthou jy hoekom jy perd ry en die rede waarom jy 'n passie vir perde het.

'n SA Boerperd is 'n perfekte droom .....



**HOEKOM RY JY 'n SA BOERPERD?**

Ek ry 'n SA Boerperd omdat dit die ideale perd is om enige uitdaging mee aan te pak. Hierdie perd is seker een van die veelsydigste rasse wat ek ken. Op my SA Boerperd voel ek veilig, gelukkig en trots Suid-Afrikaans.

**MICHELLE GOUWS**  
**JEUGGRAAD: Wes-Kaap**

**WAT IS 'N BOERPERD?**

Dis SA Boerperd is 'n inheemse van Suid-Afrika. Dit is 'n veelsydige perderas met perde wat aan bykans alle dissiplines deelneem én goed presteer! Die SA Boerperd is 'n perd met hope persoonlikheid - meer persoonlikheid as enige ander ras waarmee ek al in kontak gekom het. Elke liewe perd is anders en uniek. 'n Vriendin van my het dit eenkeer so mooi gestel: "Met ander perde kan 'n mens nie dadelik agterkom of daar iets nie, maar met 'n SA Boerperd wéét jy dadelik". Die ryk geskiedenis van die SA Boerperd ras maak hulle net nóg meer spesiaal.

**HOEKOM RY JY 'N BOERPERD?**

Mens kan nie vir jou 'n SA Boerperd gaan kies nie – hy kies vir jou... en hy sal jou goed laat verstaan as hy nie van jou hou nie. Hulle is dinamiese diere met eienskappe soos liefde, geduld en krag. Hulle is ook intelligente en vinnige leerders, met goeie beweging en uithouvermoë. Hulle raak baie geheg aan hulle eienaars en as jy eers sy vertroue gewen het, sal hy jou oorlog toe dra..... Dis is baie bevredigend om met sulke diere te mag werk.



**CARA KLINGENBERG**  
**JEUGGRAAD: Mpumalanga/KZN**

**WAT IS 'n SA BOERPERD?**

'n SA Boerperd is 'n geharde perd en baie veelsydig daarby. Hy het baie goeie bouvorm en die beste temperament ooit. Hy leer vinnig en sal jou nooit teleur stel nie.

**HOEKOM RY JY 'n SA BOERPERD?**

Ek ry 'n SA Boerperd want ek kan alles wat ek wil met EEN perd doen. My perd leer vinnig en vorder baie goed. Hy is alles wat ek in 'n perd soek.



**SHANEL ODENDAAL**  
**JEUGRAAD: Wes-Kaap**

**WAT IS 'n SA BOERPERD?**

Die SA Boerperd is 'n unieke eg Suid-Afrikaanse inheemse perd wat sy ontstaan al in 1653 gehad het. Die SA Boerperd is 'n gemaklike ryperd en is oor die jare van werkende plaas perd tot pronkende skouperd op dieselfdevlak as ander rasse gevorder het. Die boerperd het 'n groot liefdevolle oë en op en wakker oortjies. Hulle kom in 'n verskeidenheid van kleure voor wat elke perd uniek maak.



**HOEKOM RY JY 'n SA BOERPERD?**

Die SA Boerperde is 'n baie slim perderas wat vinnig leer en baie veelsydig is. Hulle is eerlik en opreg en maak dit vir hulle ruiters maklik om hulle reaksies aan te voel.

**CARLÉ BEZUIDENHOUT**  
**JEUGRAAD: Mpumalanga/KZN**

**WAT IS 'n SA BOERPERD?**

Vir my is 'n SA Boerperd 'n eg Suid-Afrikaanse sport- en plesierperd wat in alles uitblink.



**HOEKOM RY EK 'n SA BOERPERD?**

Ek ry 'n SA Boerperd want ek kan in alles met een perd teen ander rasse kompeteer. My perd is slim, rats en saggeارد – hy laat my altyd veilig voel, maar hy's NOOIT OOID vervelig nie!

**KYLA MEINTJES**  
**JEUGRAAD: Gauteng**

**WAT IS 'n SA BOERPERD?**

'n SA Boerperd is 'n perders wat geteel en geselekteer is volgens sekere rasstandarde. Die rasstandarde is lank terug gebaseer op die werk wat hulle moes kon verrig vir boere op plase en in oorloë. Die SA Boerperd het 'n goeie temperament is gehard in Suid-Afrikaanse omstandighede. Hulle word gebruik in verskillende dissiplines soos bv. skouspring, dresseer en *showing*. 'n SA Boerperd moet geregistreer wees by SA Stamboek.



**HOEKOM RY EK 'n SA BOERPERD?**

Ek ry 'n SA Boerperd omdat hy 'n goeie temperament het en in verskillende dissiplines kan presteer. Hulle is gewillige leerders en leer ook maklik en vinnig. Hulle het groot harte en is baie liefdevol.

**SHANRI BOOYENS**  
**JEUGRAAD: Vrystaat**

**WAT IS 'n SA BOERPERD?**

Vir my is 'n SA Boerperd 'n perd wat uit verskillende rasse geteel is en die beste eienskappe van die spesifieke rasse behou het. Ek het gister met my oom, Henry Vermaak (wat bure van Oom Willem Cloete was) gesels en hy het my vertel hoe hy met een perd 20km dorp toe gery het om te gaan skou. Dieselfde dag het sy perd vyfgang geskou en dan weer terug plaas toe gery om weer die volgende die hele dag in die veld te gaan werk. Daai was 'n tyd voor Cruisers, so'n jong man moes sy nooi met dieselfde perd beïndruk en daarom moes die perd ook spoggerig wees. Van karretjie trek tot heeldag in die veld werk, was kinderspeletjies vir ons perde.



**HOEKOM RY EK 'n SA BOERPERD?**

Ek is lief vir my SA Boerperde en dis die enigste ras waarvan ek weet wat in so baie dissiplines kan uitblink. My lewe het handomkeer verander die dag toe my pa my eerste SA Boerperd gekoop het. In drie jaar sit ons nou met meer as 40 en elkeen het 'n plek in my hart.